

# Hesper Jugendgemengerot

## Rapport vun der Versammlung den 20 / 04 / 2013 um 10 :00 Auer

Presenzen: Claude, Laura, Pit, Yves, Steve, Mergim

Entschëllegt : Stefano

**Nächst Versammlung:** den 11/05/2013 um 10:30h mam Schäfferot an der Gemeng.

Themen déi sollten beschwat ginn:

- Promotioun vum Jugendgemengerot
- Sekretär/in
- Wochemaat
- Entrevue mam Schäfferot
- Alterskategorie
- Aktivitéit zum Thema Identitéit an Diversitéit: den Identitéitsmolekule

## Promotioun vum Jugendgemengerot

Diskussioun:

Et gouf geschwat dass se probéieren aner Jonker ze motivéieren fir an de Jugendgemengerot ze kommen.

Decisiounen :

- Am Gemegebuet sollen 2 Saiten gemaach ginn iwwert den JGR.
  - Eng Säit mat Fotoen vun all Member an 5-10 Zeilen déi den Jugendlechen virstellen: Alter, Schoul oder Beruff, Beruffswunsch, Grond firwat een am JGR ass, Iddien déi een wëll realiséieren, Hobbien an Originen (Migratioun, Relioun,...). Dofir soll all Member vum Jugendgemengerot bis den 25/04/2013 déi 5-10 Linnen, a Sätz ausgeschriwen mat Foto, un den Max oder den Romain mailen.
  - Eng Säit mat allgemenger Virstellung vum JGR an engem Opruff fir nei Memberen. Do soll och stoen kommen: „Den JGR ass elo och op fir Jonker bis 24 Joer!“
  - Et soll och een QR Code dohikommen deen op [www.jugendgemengerot.lu](http://www.jugendgemengerot.lu) verweist.
  - Op déi 2 Säiten soll och eng Gruppfoto kommen.

## Thema Entrevue mam Schäfferoot

Diskussioun :

Et ass geschwat ginn fir een Datum fir d'Reunioun mam Schäfferot.

Decisiounen :

- Proposéiert ginn sinn den 07/05, den 11/05, den 14/05 an den 18/05. Entretemps hunn mier d'Bestätegung dass et dem Schäfferot fir den 11/05 um 10.30h geet.

## Thema Alterskategorie

Diskussioun:

Si hu proposéiert fir d'Alterskategorie vum Jugendgemengerot op 24 Joer ze héijen, well e Jonken dee mat 19 Joer Member gëtt kinnt soss net laang am JGR bleiwen.

Decisiounen :

- Den Alter vum JGR gëtt op 24 Joer eropgesat an eréischt ab 14 Joer

### **Thema Sekretär/in**

Diskussioun:

Den Stefano huet als Sekretär demissionéiert wëll hien net genuch Zäit huet fir sech aktiv als Sekretär anzubringen, zum Beispill d'Rapporten ze schreiwen.

Decisiounen:

- Jiddereen iwerleet sech bis déi nächst Versammlung op hien/hatt well neien Sekretär vum éischten Hesper Jugendgemengerot wëll ginn.